



> Retouradres

Na presidente di Tweede Kamer der Staten-Generaal
Postbus 20018
2500 EA Den Haag

**DG Openbaar Bestuur &
Democr Rechtsstaat**

Turfmarct 147
2511 DP Den Haag

Onze referentie
2024-0000979799

Datum 2 februari 2025
Betreft Voortgang slavernijverledend

Introduccion

Cu e disculpa pa e pasado di sclavitud Hulandes, a dal un paso importante pa reconose e crimen contra humanidad aki. Respeta e disculpanan aki ta hopi importante tambe pa mi; creando mas consciencia tocante e historia doloroso aki, hunto cu otro nos por wak padilanti den direccion di un futuro igual y husto pa tur hende. Ademá mi ta kere cu ta importante pa papia cu descendiente- y otronan directamente involvi. Mi a tene entre otro un combersacion di mesa rondo riba e diferente perspectivanan cu ta biba den e comunidanan involvi tocante e disculpanan y cumplimento cu nan. y mi tabata presente na e encuentro di progreso riba 27 di januari, caminda mi a cera conoci cu invitadonan sali for di e comunidanan involvi y nos a papia cu otro riba e cumplimento cu e disculpanan y e Comité di Conmemoracion Pasado di Sclavitud.

Cu e carta aki mi kier informa bo Parlamento, tambe na nomber di minister di Asuntunan Exterior y minister di Enseñansa, Cultura y Ciencia, tocante e trayecto cu ta sigui despues di e disculpanan pa e pasado di sclavitud. Mi ta reacciona riba e situacion rond di e Comité Pasado di Sclavitud, e areglonan di subsidio pa iniciativanan social y otro medidanan pa conscientisacion y reconocimiento. Tambe mi ta informa bo tocante avance di e trayectonan di progreso na e parti Caribense di Reino y Surnam.

Comite di Conmemoracion Pasado di Sclavitud

Mi tin e placer di anuncia cu e Comité di Conmemoracion Pasado di Sclavitud a keda funda y ta trahando riba e tarea importante pa sigui plania conmemoracion y reconocimiento di e pasado di sclavitud Hulandes den Reino. Un logro importante pa cumpli cu e disculpanan, cu a keda realisa despues di consulta intensivo cu descendientenan y otronan directamente involvi.

Despues di e asina yama 'voorhangprocedure' di 30 dia den Tweede y Eerste Kamer, riba 6 di januari 2025 a pasa e acta di lantamento na notario. Desde e momento ey Fundacion Comité di Conmemoracion Pasado di Sclavitud ta existi oficialmente.

Cu pasamento di e acta, e miembronan nomina ta e prome miembronan di directiva di e Comité. Nan ta: Sra. A. Elburg (presidente, nominá pa minister di Asuntunan Interior), Sr. N. Oleana (nomina di parti di Boneiro), Sr. S. Ortega (nomina di parti di Corsou), Sra. C. Reyes (nomina di parti di Sint Maarten), Sr. R. Richardson (nomina di parti di Sint Eustatius), Sr. D. Whitfield (nomina di parti di Saba) y Sra. L. Callender (nomina di parti di NiNsee). Aruba y Surnam no a

Datum
2 februari 2025

Onze referentie
2024-0000979799

postula miembro ainda, e invitacion na e gobiernonan aki pa postula un miembro ta keda na vigor. E Comité ta den combersacion cu nan tocante esey. E Fundacion ta opera independientemente. E statuutnan ta regla cu lo no tin asunto di dirigimento politiko.

Riba 1 di november 2024 ministerio di BZK a apunta un director interino, pa e organisacion di trabou, cu lo bay duna sosten na e Comité. E director interino aki ta funciona independientemente di e ministerio y ta trahariba un organisacion di trabou na ambos banda di oseano. Ademas e director interino, hunto cu e Comité, lo bay busca un secretario-director cu ta bay dirigi e organisacion di trabou di e Comité durante mas aña. E organisacion di trabou na e parti Europeo-Hulandes lo establece su mes entrante maart 2025 den Zeestraat na Den Haag, den e mes edificio cu Fundacion di Grafnan di Guera.

E Comité ta traha estrechamente cu NiNsee pa, bou di responsabilidad y direccion di e Comité, organisa e Conmemoracion Nacional Pasado di Sclavitud riba 1 di yuli na Amsterdam.

Areglonan di subsidio pa iniciativanan social

Despues di publicacion di e areglonan pa iniciativanan social pa Hulanda Europeo y e parti Caribense di Reino riba 1 di yuli, a traha riba detayenan di e areglonan. Pa por yega na areglonan factibel, Ministerio di Asuntonan Interno y Relacion den Reino a tene dialogonan intensivo den e ultimo lunanan cu un entidad destina pa ta encarga cu e ehecucion: Implementacion di Politica (Uitvoering Van Beleid), parti di Directorado pa Servicio, Asociacion y Implementacion (DSU/UVB) den seno di Ministerio di Asuntonan Social y Empleo (SZW). E meta ta cu e discusionnan cu e ehecutur destina lo conduci na areglonan ahusta cu por wordo publica y habri mas laat e aña aki. Sinembargo, un cantidad di asuntonan pendiente ta keda. Un condicion pa e participacion di e ehecutur destina, ta cu nan por ehecuta e areglonan ahusta na un manera cu e eficiencia y legalidad di e gasto ta wordo garantiza y e riesgonan di implementacion ta wordo evalua como aceptabel. P'esey DSU/UVB lo entrega un evaluacion final di ehecucion na ami y e Ministernan di Asuntonan Social y Empleo pa loke ta trata e palabracionnan final.

Ta importante pa informa e comunidadnan na tempo tocante e areglonan y e proseso pa haci peticion. Pa alcanza mas tanto hende posibel, ta haci uzo di diferente medio di comunicacion, manera sesionnan di informacion fisico den henter Hulanda y un webinar. Den e parti Caribense di Reino tambe lo informa e comunidadnan envolvi pa medio di diferente medio di comunicacion.

Mescos cu ponemento na disposicion di e areglo na Hulanda Europeo, un siguiente paso importante ta adkision di miembronan di e comision di conseho pa Hulanda Europeo. E meta ta pa finalisa esaki den e prome trimester di 2025. E comishon di conseho ta duna conseho por escrito riba peticionnan cu ta parse di no ta bin na remarke pa subsidio. Minister ta tuma e decision final, teniendo cuenta cu e conseho ey. Un condicion importante ta cu e miembronan ta envolvi cu e comunidadnan y tin conocimiento di e desaroyonan den eseynan. Na mes momento e miembronan ta independiente y nan ta conseha sin obligacion of consulta.

Otro medidanan di conscientisacion y reconocimiento na Hulanda Europeo

Cambio di number gratis

Implementacion di e areglo temporal cambio di number gratis pa descendientenan di personanan sclavisa a inicia exitosamente riba 1 di juli 2024 na Hulanda Europeo. Den e prome mita aña desde cu ela drenta na vigor, a entrega 127 peticion cerca Justis. Di nan a evalua 88 positivo, y den 23 caso esaki a resulta den un cambio di number. Pa sigui duna mas publicidad na e areglo, den 2025 tambe lo comunica activamente cu e organisacionnan di interes y lo duna informacion na e grupo di meta.

Ta trahando riba implementacion di e areglo na Boneiro, Sint Eustatius y Saba. E contexto y structuranan administrativo specifico riba e islanan ta rekeri solucion na midi. E meta ta pa e implementacion aki keda realisa pa mas tarda fin di 2025. Esaki ta garantisa cu habitantenan di e islanan aki tambe ta haya igual acceso na e areglo.

Den colaboracion cu Justis, cu ta implementa e areglo na Hulanda Europeo tambe, ta preparando su ehecucion riba e islanan.

Comunicacion cu publico tocante medidanan antidiscriminatorio

Ministerio di BZK a laga haci investigacion di strategianan pa aumenta e disposicion pa haci denuncia contra discriminacion.

E oficina di investigacion a haci investigacion di literatura y a tene entrevista cu experto- y profesionalnan di experiencia, cu atencion pa frecuencia di discriminacion, comportacion pa loke ta trata hacimentu di denuncia y desaroyonan actual. Un analisis di comportacion a divulga factornan, manera falta di conocementu tokante Discriminatie.nl, estilonan pa anda cu situacionnan y duda relaciona cu denuncia. Basa riba esaki, a desaroya un strategia pa aumenta conocimiento tocante posibilidadnan pa haci denuncia, fortifica confiansa den instancianan y elimina bareranan. E rapport fina ta forma e base pa comunicacionn cu publico di parti di BZK den 2025, manera campananan pa amplia conocimiento, drecha e website y e formulario di denuncia di Discriminatie.nl. Ehemplonan ta, haci e e procedura pa haci denuncia visual pa kita duda y añadi un funcion di chat pa reduci barera.

Sintesis di conocimiento

Na december 2024 Verwey y Movisie a inicia e sintesis di conocimiento riba encargo di ministerio di Asuntonan Social y Empleo (SZW) na december, den igual cooperacion cu iniciadonan di Zwart Manifest (Manifesto Pretu). Lo finalisa e investigacion prome cu zomer di 2025. Enfoke di e sintesis di conocimiento ta pa haci e efecto di e pasado colonial y di esclavitud (Transatlantico) riba racismo y discriminacion contemporaneo den diferente area di comunidad Hulandes, mas comprendibel. Banda di sintesis di conocimiento, lo produci un publicacion accesibel y creativo di e resultadonan pa un publico amplio.

Promocion di normanan social

E investigacion di factibilidad cu e ministerionan di SZW y BZK a laga Tabula Rasa haci pa promove un norma social contra racismo y discriminacion den comunidad,

lo keda finalisa prome cu zomer di 2025. Despues lo wak con lo por aplica e resultadonan di e estudio di factibilidad.

Ret di siñansa pasado di sclavitud

Riba encargo di SZW, exitosamente a lanta e Ret di siñansa Pasado di Sclavitud pa municipionan, cu Radar Advies ta implementando. 18 munisipio ta participando na e Ret di siñansa. Nan ta siña a traves di encuentronan tematico y encargonan substancial, tocante topiconan cu ta trata e efecto di e pasado di sclavitud riba nivel local. Di e manera aki municipionan participante por duna reconocemento y efecto di e pasado di sclavitud un luga structural den nan plannan di maneho.

Museo Nacional di Sclavitud, Centro di Conocemento y Patrimonio

Riba 30 di mei 2024 e minister di Enseñansa, Cultura y Siensia (OCW) di e tempo ey, a informa bo Parlamento riba con lantamento di e Museo Nacional di Sclavitud ta progresando.¹ Banda di funcion di museo, e museo ta haya tambe un funshon di conocimiento, caminda descendientenan por haci investigacion tocante nan familia- y antepasadonan. Tambe ta trahando riba un ret di conocimiento di museo y ta desaroyando opcionnan pa acceso digital na e museo. Den e siguiente fase di desaroyo di e museo lo sigui detaya mas e funcion di conocimiento aki, di manera cu ta fortifica e funcion di ret di contacto di e museo. Esaki ta encera cu lo envolvi activamente instancianan di henter Reino y internacional, cu ta atende cu historia internashonal di colonisacion y sclavitud.

Den e coleccionnan di museo- y archivonan existente por haya fuentenan tocante pasado di sclavitud. Pa e motibo ey invershon den mantencion y desaroyo di museo-, archivonan y proteccion di patrimonio cultural tin atencion. Adicional na e maneho regular di cultura, OCW ta sostene instancianan cu ta eksplorá y salvaguardia fuentenan nobo, cu ayudo di un sociedad patrimonial, y ta comparti e historianan tocante esakinan ampliamente y ta pone nan na discusion.

Programa di investigacion di mas aña

Ministerio di OCW y Nederlandse Organisatie voor Wetenschappelijk Onderzoek (Organisacion Hulandes pa Investigacion Cientifico) conhuntamente ta invertiendo € 3 mion den un programa di investigacion di mas aña riba e pasado di sclavitud colonial Hulandes. Ta trata di un programa tematico den e Agenda Cientifico Nashonal. E preparacionnan pa e programa ta den un fase hopi avansa. Meymey di e prome trimester di 2025, segun expectativa, lo tuma luga un anuncio preliminar, den cua ta duna extra atencion na e parti mas esencial di e programa y lo duna informacion tocante e metodo cu a facilita y e deadlinenan. Despues lo sigui un yamada pa entrega peticion. Lo invita instancianan di conocimiento y partnernan social pa conhuntamente desaroya programanan di investigacion cu diferente area di estudio y formanun varia di investigacion, di manera cu e programa ta conecta cu e necesidadnan di conocimiento di e partidonan social.

Salubridad y bienestar

Ministerio di Salubridat, Bienestar y Deporte (VWS) a organisa un investigacion exploratorio tocante posibel efecto di e pasado di sclavitud riba salubridad y cuido.

¹ [Karta na Parlamento tocante progreso di e Museo Nashonal di Sclavitud | Kamerstuk | Rijksoverheid.nl](#)

Datum
2 februari 2025

Onze referentie
2024-0000979799

Atencion social y científico pa problematicanan relaciona cu igualdad y discriminacion den cuido y bienestar ta creciendo.² Cada biaha tin mas conocimiento ta indica cu acontecimentonan historico, manera pasado di sclavitud, por tin influencia duradero riba siguiente generacionnan. Un ehemplo di esaki ta trauma intergeneracional, caminda ta transmiti efectonan psicologico di generacion pa generacion.³ Cu e investigacion, cu lo inicia den e prome trimester di 2025, VWS kier trece conocimiento existente hunto, pero tambe desaroya conocimiento nobo pa compronde y atende miho cu e problematica compleho aki.

Enseñansa

Final di 2024 a entrega consepto di e metanan principal di e tereno di siñansa Persona y Sociedad. Aki den a inclui, mas específico cu den e actual metanan principal, cu alumnonan mester adkiri conocimiento tocante e pasado colonial y di sclavitud, historia di migracion y di henter Reino Hulandes. Den e prome mita di 2025 lo apunta ademas encargonan pa desaroya un banco di fuente, un guia pa docente y duna impulso na un organisacion cu ta duna les tocante pasado di sclavitud riba invitashon. Den e prome mita di 2025 ta inicia tambe un investigacion di e historianan di e luchadonan pa libertad anticolonial y heroenan di resistencia den enseñansa di fundeshi na Hulanda Europeo y e parti Caribense di Reino. Di e forma aki ta duna ehecucion na mocion Simons.⁴

E parti Caribense di Reino

Basa riba e recomendacionnan den e rapport 'Ketenen van het Verleden' (Kadenanan di Pasado), riba 19 di december 2022 a cera algun compromiso cu Sint Maarten, Corsou, Aruba, Sint Eustatius, Saba y Boneiro. E compromisonan aki ta forma e base pa duna contenido na e asina yama agendanan di accion. BZK ta facilita e representantenan encarga cu configuracion di e agendanan di accion, poniendo entre otro capacidad redaccional na disposicion.

Fin di october 2024 a tuma luga un siman di trabou pa duna contenido concreto na e agendanan di accion, especificamente pa loke ta trata infraestructura y archivo di museonan. Akinan tabata presente e representantenan di Aruba, Boneiro, Corsou, Saba, Sint Eustatius y Sint Maarten, apunta pa e gobiernonan local. Ademas, pa duna sosten substancial, expertonan insular cu expertisio den asuntonan di patrimonio, cultura y/of archivo a join tambe. Mirando diversidad di e isla- y paisnan, trabou na midi ta rekeri. E representante- y otronan involvi ta trahando awor pa sigui concretisa e agendanan di accion, cu lo presenta pa mas tarda 1 di juli 2025 na secretario di estado di BZK.

Surnam

² Allen, Rose Mary; Captain, Esther; Rossum, Matthias van; Vyent, Urwin. Staat en slavernij: het Nederlandse coloniale slavernijverleden en zijn doorwerkingen (2023), p. 31

³ Staat en slavernij, p.31: "Er is tijdens en na de periode van slavernij en colonialisme bij witte Nederlanders en nazaten van tot slaafgemaachten een cultureel archief gevormd, ook wel mentaal erfgoed geproduceerd, dat bij beide groepen een cultuur heeft gecreëerd die respectievelijk gevoelens van vermeende superioriteit en vermeende inferioriteit heeft geïnternaliseerd. Het gevolg daarvan is anti-Zwartracisme in alle lagen van de Nederlandse samenleving."

⁴ Kamerstukken, Vergaderjaar 2022-2023, 36200 VIII, nr 142.

Datum
2 februari 2025

Onze referentie
2024-0000979799

Pa duna e dialogo tocante cumplimento cu e disculpanan forma, ministerio di Asuntunan Exterior (BZ) a instala un Enviado Special Pasado di Sclabitud di maart 2023 te juli 2024. Cu clausura di e Aña di Conmemoracion Pasado di Sclavitud e mandato tambe a yega na su fin. E combersacionnan cu e Enviado a hiba durante su shete biahenan pa Surnam, a inicia e dialogo entre Hulanda y Surnam tocante cumplimento cu e disculpanan, cu atencion pa e perspectivanan di e comunidannan indigena y maroni. Embahada Hulandes na Paramaribo y ministerio di BZ na e momentonan aki ta continuando cu e dialogo aki, riba Surnam su propio ritmo. Ta haci esaki sperando riba instalacion di e plataforma Surnameño cu a anuncia, cu diferente representante di e gruponan mas involvi.

Ministerio di BZ ta trahando riba un cuadro pa e areglo iniciativanan social, den cua ta stipula e condicionnan pa otorgamento di subsidio. Punto di salida ta cu e recursonan ta facil accesibel, caminda na mes momento ta garantiza cu e gastonan ta eficiente y legal. Segun expectativa, lo publica e areglo den curso di 2025. Tambe lo sigui traha riba detayenan di intensivacion di maneho.

Na Surnam ta considera e disculpanan como un paso importante den direccion di curacion y reconciliacion. Despues di e disculpanan y e pidimento di pordon di parti di Su Mahestad Rei, e gobernantenan tradicional di e poblashon indigeno y di tribonan (*Fiti Makandra*, Lucha Huntu), a propone pa formula a traves di un *Gran Krutu/Gran Komparsi un reaccion* riba e disculpanan. Doscien representante sali di diferente comunidad involvi na Surnam lo bay den discusion cu otro pa esaki. Segun expectativa, e encuentro aki lo tuma luga den e prome mita di 2025. Ministerio di BZ ta sostene e iniciativa aki, pasobra esaki ta di gran importancia pa e proceso di curacion y reconciliacion na Surnam. Ministerio a pone fondonan di e Aña di Conmemoracion Pasado di Sclavitud disponibel pa esaki.

Ley Proteccion Contra Discriminacion na BES

Na comienso di februari 2025 a presenta e proyecto di ley pa declara e legislashon di trato igual aplicabel pa e parti Caribense di Hulanda, pa tratamiento plenario den Tweede Kamer. Ta integra e medida antidiscriminatorio BES den e medida pa asistencia huridico. Hunto cu secretario di estado pa proteccion huridico mi ta traha riba lantamento di un fundacion local nobo. E fundacion aki ta bay encarga su mes cu dunamento di asistencia huridico y lo fungi tambe como centro contra discriminacion. Den e periodo benidero lo presenta e intencion pa lanta un fundacion na minister di Finanzas y Controlaria General, sigui pa un asina yama 'voorhangperiode' serca bo Parlamento y na Eerste Kamer. Colegio pa Derecho Humano ta preparando e tarea di evaluacion riba e islanan. Lo haci uzo di e miembronan suplente di e colegio regional.

Iniciado di combersacion 'Ken nos ta'

Na 2024, na 25 sitio, manera festival, marshe y plenchi, reparti den henter pais, a haci uzo di e inciado di combersacion 'Ken nos ta'. Na 10 sitio nos a organisa, banda di e inciado di combersacion, programacion cu ta bay mas profundo tambe. Un dialogo social continuo ta necesario pa aumenta conocimiento tocante pasado di sclavitud pa crea conciencia tocante con e pasado aki ta afecta comunidad. E inciado di combersacion ta trese diferente perspectiva hunto, ta brinda espacio pa intercambio di experiencia, y ta promove comprencion entre diferente grupo. Ora

habri combersacion pa tur capa di e poblashon, mas hende ta sinti nan mes scucha y envolvi. E interaccionnan aki ta yuda crea un comprendemento comparti pa tuma e pasonan necesario pa futuro y ta contribui na un conciencia colectivo.

Su finalisacion a tuma luga den januari 2025, cu un encuentro di clausura riba nivel nacional. Eynan tur contenido di loke nos a tende durante e combersacionnan den pais ta bin hunto.

Aunke no por logra un cambio di paradigma den un aña, esaki ta un paso den e bon direccion. E iniciado di combersashon a resulta un herment efectivo pa inicia combersacionnan tocante e tema delicado aki di forma accesibel. E resultado aki, stipula den un rapport di evaluacion tambe, ta entre otro input pa e Comité di Conmemoracion Pasado di Sclavitud, cu lo sigui traha riba ampliacion di conocimiento y conciencia tocante pasado di sclavitud.

Aña di Conmemoracion Pasado di Sclavitud

E Aña di Conmemoracion Pasado di Sclavitud a finalisa riba 1 di juli 2024. E aña aki a marca un paso importante pa reconoce y comparti nos historia comparti. NiNsee, cu subsidio di OCW, a organisa Conmemoracionnan Nacional riba escala mas amplio den 2023 y 2024, cu a fungi como apertura simbolico y clausura di e aña. A amplia e actividatnan aki cu momentonan di conmemoracion den e parti Caribense di Reino y iniciativanan local den henter Hulanda. Cu traslado di Festival Ketikoti pa Museumplein e Conmemoracion Nacional por a cuminsa un ora mas laat. Esey a haci e conmemoracion mas accesibel pa e area Caribense y Surinam y a brinda espacio na un publico mas grandi y diverso. Elementonan nobo, manera oradornan di sociedadnan indigeno y di Saba, a fortifica e caracter inclusive.

E areglonan di Mondriaan Fonds y Fonds voor Cultuurparticipatie a sostene mas di 250 proyecto na Hulanda Europeo y e parti Caribense di Reino. A traves di condicionnan accesibel, presupuestonan pa traduccion y sosten local, a duna organisacionnan di base tambe un oportunidad husto. E acercamento aki a conduci na distribucion diverso di proyectonan y miho conocimiento di necesidadan di comunidad. Ademá OCW, a traves di e structura di Maneho di Cultura Internacional, a sostene proyectonan den paisnan cu un vinculo historico cu e pasado di sclavitud Hulandes, manera Surinam y Merca. E iniciativanan aki ta fortifica e coneccion internacional y ta enfatisa e caracter comparti di e pasado aki.

E acercamento di partnernan di interes aki di parti di OCW a duna espacio na perspectivanan menos expone, manera di comunidadnan maroni y indigeno, descendientenan di trahadonan cu contract y representantenan di e pasado di sclavitud den e archipelago Indonés. Esaki a resulta den iniciativanan manera e conferencia '*Contractarbeid uit de Schaduw*'.

Ademá e campaña *Historia, di nos tur* a alcanza mas di 40 mion persona y a stimula un dialogo nacional. A haci uzo di e campaña den e area Caribense den forma di documentalnan.

Investigacion di mas aña y intercambio internacional di conocimiento

Programa di investigacion di mas aña

Datum
2 februari 2025

Onze referentie
2024-0000979799

Ministerio di OCW y Nederlandse Organisatie voor Wetenschappelijk Onderzoek ta inverti conhuntamente € 3 mion den un programa di investigacion di mas aña tocante e pasado di sclavitud colonial Hulandes. Ta trata di un programa tematico den e Agenda Cientifico Nacional. E preparacionnan pa e programa ta den un fase hopi avansa. Segun expectativa, meymey di prome trimester di 2025, lo tuma luga un anuncio preliminar, den cua ta splica e parti mas importante di e programa y ta duna informacion tocante e metodo facilita y e deadlinnan. Despues lo sigui un yamada pa entrega proposishon. Ta invita instancianan di conocimiento y partidonan social pa conhuntamente desaroya proposishonnan pa investigacion cu diferente disciplina y forman varia di investigacion, di manera cu e programa ta conecta cu e necesidad na conocimiento di e partnernan social.

Cooperacion di conocimiento internacional pasado di sclavitud Hulandes

Intercambio tocante pasado di sclavitud y dunamento di espacio na diferente perspectiva y conocimiento nobo tocante esaki no ta posibel, sin involucramento di instancianan di conocimiento y socionan den e areanan cu cua Hulanda ta comparti un historia colonial. Ministerio di OCW pa e motibo ey a pidi Koninklijk Instituut voor Taal-, Land- en Volkencunde (KITLV) pa diseña un programa di investigacion internacional, consistiendo di científiconan procedente di paisnan cu cua Hulanda tin un historia colonial. KITLV lo duna científiconan na Surnam, Sur Africa y Indonesia oportunidad pa efectua investigacion di e pasado di sclavitud Hulandes y su efecto a base di contexto y necesidadnan di investigacion local. E programa ta cana te cu 2027. Pa esaki OCW a pone €924.000 na disposicion. Anteriormente a informa bo Parlamento⁵ tocante e posibilidad cu OCW ta brinda na e seis islanan di e parti Caribense di Reino pa haci investigacion di e pasado di sclavitud Hulandes. Desde october 2024 un aliansa di institucionan di educacion superior den e paisnan Caribense, ta duna contenido na un Catedra Pasado di Sclavitud comparti. Ademá expectativa ta cu lo desaroya un programa di investigacion den estrecho consulta cu e entidadnan publico di e islanan, cu e fondonan cu a pone na disposicion. Te cu 2027 a reserva en total € 455.000 pa investigacion di e pasado di sclavitud den e parti Caribense di Reino.

Finalmente

E periodo cu a transcuri a sigui traha intensivamente pa sigui detaya e plannan relaciona cu e Comité Conmemoracion Pasado di Sclavitud, e arreglo di subsidio pa iniciativanan social pa promove conscientisacion y reconocimiento, y progreso di e siguiente trayectonan den e parti Caribense di Reino y Surnam. 2025 ta marca un aña crucial den cua, hunto cu comunidad- y otronan involvi, nos ta dal e siguiente pasonan pa duna e plannan aki bida y sigui duna nan forma.

Minister Asuntonan Interno y Relacionnan den Reino, tambe na number di minister di Asuntonan Exterior y minister di Enseñansa, Cultura y Ciencia.

J.J.M. Uitermark

⁵ Kamerstukken II, 36410-IV, nr. 68